

KEMAHIRAN MEMBACA

Latihan 1

Membaca teks dalam setiap perenggan dengan sebutan yang betul dan intonasi yang jelas.

Tajuk: Kita Lakukan Bersama-sama

Murid-murid Tahun 4 Harmoni telah diminta oleh guru mereka untuk mencari maklumat tentang aktiviti masyarakat yang prihatin di Malaysia. Mereka diminta membentangkan maklumat yang diperolehi kepada rakan-rakan sekelas. Rajiv, Jit Wen dan Jimi telah berkumpul di rumah Hadif untuk membincangkan tugas tersebut. Mereka melakukannya bersama-sama.

1. Rumah Terbuka

Amalan rumah terbuka merupakan satu cara masyarakat di negara ini bergaul antara satu sama lain. **1** Dengan menghadiri rumah terbuka, masyarakat yang berbilang bangsa di negara ini dapat berkenal-kenalan dan beramah mesra. **2** Amalan kunjung-mengunjungi juga dapat mengeratkan hubungan silaturahim. **3**



2. Usung Rumah

Amalan mengusung rumah dilakukan untuk memindahkan rumah ke lokasi baharu. Amalan ini menjadi satu budaya masyarakat tradisional di negara ini. Amalan mengusung rumah menunjukkan masyarakat yang sangat prihatin sesama jiran tetangga. **1** Mereka mencari buluh di hutan bersama-sama. Kemudian, mengikat buluh-buluh di bahagian bawah rumah. Selepas itu, rumah tersebut diusung ke lokasi tapak rumah yang baharu. Setelah selesai, para pengusung rumah akan dijamu dengan makanan dan minuman. Keadaan ini menunjukkan tuan rumah prihatin dan menghargai pertolongan yang diberikan oleh masyarakat.



Info:

Garisan berwarna **merah** ialah faedah atau kebaikan aktiviti *Rumah Terbuka* dan *Usung Rumah*.

Berdasarkan petikan teks di atas, terdapat *2 amalan* yang *kita lakukan bersama-sama* iaitu:

1. Rumah Terbuka

2. Usung Rumah

Latihan 2

Isi tempat kosong dengan jawapan yang betul. Jawapan ada di dalam petikan di atas. (*klik tempat kosong dan pilih jawapan*)

1. Amalan rumah terbuka merupakan salah satu cara masyarakat di negara ini _____ antara satu sama lain.

2. Dengan menghadiri _____, masyarakat di negara ini dapat berkenal-kenalan dan _____.

3. Amalan kunjung-mengunjungi juga dapat mengeratkan _____.

1. Amalan memindahkan rumah ke lokasi baharu dikenali sebagai _____.

2. Amalan mengusung rumah menunjukkan masyarakat sangat _____ sesama jiran.

3. Setelah selesai mengusung rumah, mereka _____ dengan makanan dan minuman.

Latihan 3

Berdasarkan petikan teks di atas, lengkapkan peta pokok dengan maklumat yang dikehendaki. (*drag and drop*)

